




ԵԿԵՂԵՑԱԿԱՆ ԲԵՄ. ԼՈՒՐԵՐ

Ապրիլի 3-ին, շաբաթ.—Տօն Սրբոյն Գրիգորի Լուսաորչին մերոյ սոսկալի չարչարանացն և մտին ի Վիրապն.

Այսօր Մայր տաճարում ս. պատարագ է մատուցում տ. Մասիս վրդ. Գալստյանը:

*
* *

Ապրիլի 4-ին, կիրակի.—Ձ կիրակի քառասնորդական պահոց (Գալստեան).

Այսօր Մայր տաճարում ս. պատարագ է մատուցում տ. Արտակ քին. Սիմոնյանը:

«Հայր մեր»-ից առաջ հավուր պատշաճի քարոզում է տ. Մասիս վրդ. Գալստյանը:

*
* *

Ապրիլի 5-ին, երկուշաբթի.—Այսօր ուխտավորաբար Մայր Աթոռ է ժամանում Երուսաղեմի հայոց պատրիարքարանի դիվանապետ և ժառանգավորաց վարժարանի ու ընծայարանի տեսուչ տ. Շահե արքեպ. Աճեմյանը, որը մարտի 29—31 օրերին Մոսկվայում մասնակցել էր խաղաղության, զինաթափման և ազգերի միջև արդար փոխհարաբերությունների հաստատմանը նվիրված կրոնական գործիչների համաշխարհային կոնֆերանսի նախապատրաստական կոմիտեի ընդլայնված նիստին:

Ժողովից հետո տ. Շահե արքեպիսկոպո-

սը, Վրաստանի հայոց առաջնորդ տ. Գևորգ եպս. Սերայդարյանի և Բաքվի հայոց առաջնորդ տ. Հուսիկ եպս. Սանթրուրյանի հրավերներով, Մայր Աթոռի միաբան տ. Անանիա վրդ. Արաբաջյանի ընկերակցությամբ այցելում է Թբիլիսիի և Բաքվի հայոց եկեղեցիներ:

Ապրիլի 6-ին տ. Շահե արքեպանը, հրաժեշտ առնելով Վեհափառ Հայրապետից, մեկնում է Երուսաղեմ:

*
* *

Ապրիլի 7-ին, չորեքշաբթի.—Աւետումն ս. Աստուածածնի.

Այսօր Մայր տաճարում ս. պատարագ է մատուցում տ. Նշան քին. Բեյլերյանը:

*
* *

Ապրիլի 11-ին, կիրակի.—Ծաղկազարդ.

Օրվա մեծ տոնի առիթով այսօր Մայր տաճարում ս. պատարագ է մատուցում տ. Արսեն եպս. Բերբերյանը և «Հայր մեր»-ից առաջ քարոզում՝ «Այսօր զուարճացան տիեզերք գալստեամբ Աստուածորդույն յԵրուսաղեմ. և գոչէին հնչմամբ երգով օրհնեալ եկեալ անուամբ Տեառն» շարականի բնաբանով:

*
* *

Նույն օրը, երեկոյան, Մայր տաճարում ավանդական հանդիսութեամբ կատարվում է Դոնքացեքի արարողությունը:

Արարողությանը ներկա է լինում Վեհափառ Հայրապետը:

*
* *

Ապրիլի 14-ին, չորեքշաբթի.—Այսօր, ժամը 13-ին, Վեհաքանի հանդիսությանը դահլիճում տեղի է ունենում միաբանության և մայրավանքի ողջ աշխատավորության ամենամյա հավաքը՝ նվիրված 1976 թվականին Մայր Աթոռում կատարվելիք աշխատանքների է՛լ ավելի կազմակերպվածությանը և արդյունավորությանը:

Այս սովորությունը հաստատվել է Վեհափառ Հայրապետի օրոք, երբ Մայր Աթոռի միաբանությունը, պաշտոնեությունն ու աշխատավորությունը տարին մեկ անգամ հավաքվում են «արտադրական խորհրդակցության»՝ հանրագումարի բերելու մեկ տարվա ընթացքում իրենց կատարած աշխատանքներում ձեռք բերված հաջողությունները և նոր եռանդով շարունակելու իրենց առաջ դրված աշխատանքային նոր առաջադրանքները:

Հավաքին նախագահում է Վեհափառ Հայրապետը: Մասնակցում են միաբանությունը, պաշտոնեությունը և մայրավանքի ողջ աշխատավորությունը, այր թե կին, ավելի քան 150 հոգի:

Հավաքը ներածական խոսքով բացում է Մայր տաճարի լուսարարապետ տ. Հուսիկ եպս. Սանթրոյանը:

Այնուհետև սրբազանը հրավիրում է «Էջմիածին» ամսագրի խմբագիր և հոգևոր ճեմարանի ավագ դասախոս պրն. Արթուն Հատիսյանին՝ խոսելու 1976 թվականին Մայր Աթոռում կատարվելիք հոգևոր, եկեղեցական, մշակութային, շինարարական-վերանորոգչական աշխատանքների է՛լ ավելի կազմակերպված, գիտակից և կարգապահ կատարման մասին:

Հարգելի բանախոսը շեշտում է մանավանդ այդ աշխատանքների կարևոր նշանակությունն ա՛յս տարի, երբ սեպտեմբերին միաբանությունը, պաշտոնեությունը և աշխատավորությունը իրենց նվիրյալ, կարգապահ աշխատանքով իրենց սրտագին մասնակցությունը պիտի բերեն Վեհափառ Հայրապետի գահակալության 20-ամյակին նվիրված հանդիսություններին և սրբալույս մեռոնի օրհնության տոնակատարություններին:

Հավաքի ավարտին Վեհափառ Հայրա-

պետն Իր օրհնությանն ու գնահատանքին է արժանացնում Մայր Աթոռի միաբանության, պաշտոնեության և ողջ աշխատավորության կատարած աթոռանվեր աշխատանքները՝ բոլոր բնագավառներում:

Ի գնահատություն այդ աշխատանքների, Վեհափառ Հայրապետը բարեհաճում է լուսանկարվել Վեհաքանի այգում, խաչքարի առաջ, հավաքի հոգևորական և աշխարհական բոլոր մասնակիցների հետ:

*
* *

Ապրիլի 15-ին, հինգշաբթի.—Առաջ հինգշաբթի. Յիշատակ ընթերցեց Տեառն մերոյ Յիսուսի Քրիստոսի.

Օրվա մեծ տոնի առիթով Մայր տաճարում ս. պատարագ է մատուցում տ. Նշան քհն. Բեյլերյանը:

Ժամը 16-ին Մայր տաճարում կատարվում է Ոսկալվայի և ապա, ժամը 19.30-ին՝ Խավարման կարգը:

Վեհափառ Հայրապետը, «Փառք ի բարձունս» երգից հետո, հոգեշունչ քարոզ է խոսում Խավարման գիշերվա խորհրդի և Հիսուսի մատնության ու չարչարանքների հոգևոր նշանակության մասին:

*
* *

Ապրիլի 16-ին, ուրբաթ.—Առաջ ուրբաթ. Յիշատակ չարչարանաց և խաչելութեան Տեառն մերոյ Յիսուսի Քրիստոսի.

Ժամը 11-ին Մայր տաճարում պաշտվում է «Յիշատակ չարչարանաց և խաչելութեան Տեառն մերոյ Յիսուսի Քրիստոսի» կարգը:

Երեկոյան, Վեհափառ Հայրապետի հանդիսադրությամբ, Մայր տաճարում կատարվում է Թաղման կարգը և ապա «Թափոր թաղմանն»:

*
* *

Ապրիլի 17-ին, շաբաթ.—Առաջ շաբաթ. Ծրագալույց Չատկի.

Այսօր, երեկոյան ժամը 17-ին, Մայր տաճարում Ծրագալույցի պատարագ է մատուցում լուսարարապետ տ. Հուսիկ եպս. Սանթրոյանը: Ս. պատարագից առաջ հոգեվոր ճեմարանի ուսանողներն ընթերցում են Դանիելի գիրքը:

Ս. պատարագի ավարտին, Վեհափառ Հայրապետի հանդիսադրությամբ, կատարվում է Չատկի նախատոնակը, որից հետո Նորին Սրբությունն առաջնորդվում է Վեհաքան:

Ավելի ուշ մայրավանքի սեղանատանն օրհնվում է Մայր Աթոռի աղն ու հացը, և



ՎԵՀԱՓԱՌ ՀԱՅՐԱՊԵՏԸ ՄԱՅՐ ԱԹՈՒՄԻ ՄԻԱԲԱՆՈՒԹՅԱՆ ԵՎ ՄԱՅՐԱՎԱՆՔԻ ՈՂՋ ԱՇԽԱՏԱՎՈՐՆԵՐԻ ՀԵՏ ՎԵՀԱՐԱՆԻ ԲԱԿՈՒՄ
(1976 թ. ԱՊՐԻԼԻ 14)

միաբանությունը նաշակում է Նավակատի-
քի բարիքները:

*
* *

**Ապրիլի 19-ին, երկուշաբթի.—Յիշատակ
մեռելոց.**

Մայր տաճարում ս. պատարագ է մատու-
ցում տ. Մոմիկ վրդ. Սարգսյանը:

Ս. պատարագի ավարտին կատարվում է
հոգեհանգստյան պաշտոն՝ «վասն համօրէն
ննջեցելոց»:

*
* *

**Ապրիլի 21-ին, չորեքշաբթի.—Ջատկա-
կան տոնակատարությունների կապակցու-
թյամբ (հին տոմարով) պատարագելու և
հանին կենաց քարոզությամբ հավատաց-
յալներին մխիթարելու համար Մայր Աթո-
ռից ներքին թեմեր մեկնեցին տ. Հուսիկ
եպս. Սանթրոյանը, ընկերակցությամբ պրն.
Հայկ Ֆրունջյանի՝ Բաքու, տ. Մասիս վրդ.
Գալստյանը՝ Ռոստով, տ. Թորգոմ վրդ.
Մուշեղյանը, ընկերակցությամբ Հակոբ սրկ.
Խաչատրյանի՝ Թբիլիսի, Միսաք սրկ. Մար-
գարյանը, Ախալքալաք, Ռուբեն սրկ. Սա-
ղոյանը՝ Ախալցխա:**

*
* *

**Նույն օրը, երեկոյան ժամը 19-ին, Վեհա-
րանում, Վեհափառ Հայրապետի նախագա-
հությամբ, գումարվում է Գերագույն հոգևոր
խորհրդի հերթական նիստը:**

*
* *

**Ապրիլի 25-ին, կիրակի.—Կրկնազատիկ
(Նոր կիրակի).**

Այսօր Մայր տաճարում ս. պատարագ է
մատուցում տ. Մոմիկ վրդ. Սարգսյանը:

Ժամը 11.30-ին Վեհափառ Հայրապետը
բարեհաճում է ընդունել ֆրանսահայ մի
խումբ ուխտավորների: Այնուհետև Նորին
Արքությունը միաբանության և ուխտավոր-
ների հետ թափորով առաջնորդվում է Մայր
տաճար:

«Հայր մեր»-ից առաջ քարոզում է Վե-
հափառ Հայրապետը՝ «Օրհնեալ է յարու-
թիւնն Քրիստոսի» բնաբանով, և ողջունում
ներկայությունը ֆրանսահայ ուխտավորնե-
րի:

*

* *

**Ապրիլի 26-ին, երկուշաբթի.—Այսօր, ժա-
մը 13.30-ին, Մայր Աթոռ են այցելում Կու-**

բայից ժամանած մի խումբ մկրտչական
եկեղեցու ներկայացուցիչներ: Հյուրերը,
Մայր տաճարն ու եկեղեցական արվեստից
թանգարանը դիտելուց հետո, ցանկանում
են այցելել Վեհափառ Հայրապետին:

Վեհաբանում Նորին Արքությունն ընդու-
նում է կուրացի հարգարժան հյուրերին: Տե-
ղի է ունենում մտերիմ զրույց: Իր ողջույնի
խոսքում Հայոց Հայրապետն ասում է.

«Մենք չափազանց գոհ ենք, որ քրիս-
տոնյա եղբայրներ հեռավոր Կուրացից այ-
ցելում են Մայր Աթոռ ս. Էջմիածին: Ամեն
անգամ, երբ այսպիսի քրիստոնյա եղբայր-
ներ, մանավանդ ղեկավար հոգևոր անձինք,
այցելում են Մեզ, Մենք ոչ միայն ուրախա-
նում ենք, այլև ավելի ոգևորվում և զորա-
նում ենք հոգեպես՝ իբրև Քրիստոսի Ավե-
տարանին ծառայող մարդիկ: Զգում ենք
կենդանի համաքրիստոնեական եղբայրու-
թյունը մեր բոլորի:

Դուք այստեղ գտնվում եք հայկական
քրիստոնեության պատմական կենտրոնում՝
ս. Էջմիածնում. երևի ձեզ հայտնի է ար-
դեն, որ հայ ժողովուրդը քրիստոնեությունը
ընդունեց Դ դարու սկզբին՝ 301 թվականին:
Ահա մոտ 1700 տարիների ընթացքում ս.
Էջմիածինը մնում է կենտրոնը հայ եկեղե-
ցու, և որտեղ նստում է նաև նրա պետը՝
կաթողիկոսը: Ինչպես մեր հայ ժողովուրդն
ու մայր հայրենիքը՝ Հայաստան, այնպես
էլ Էջմիածինը շատ ծանր պատմական շր-
ջաններ է ապրել անցյալում, նույնիսկ եր-
բեմն կես չափով քանդված է եղել այս տա-
ճարը, և բազում անգամներ մեր բոլոր եկե-
ղեցիները այրված են եղել, քանդված, և
ժողովուրդը՝ կոտորված: Սակայն այդ բո-
լոր դժբախտությունների ընթացքում հայ
ժողովուրդը միշտ հավատարիմ է մնացել
իր քրիստոնեական հավատքին: Կարելի է
ասել իբրև պատմական ճշմարտություն, որ
հայ ժողովուրդը հաճախ, հեռավոր անցյա-
լում, իր մարմնի նահատակության գնով
պաշտպանել է Քրիստոսի Ավետարանը:

Աստուծո ողորմությամբ, Մենք ահա, ա-
վելի քան կես դարուց ի վեր, Սովետական
Հայաստանի հանրապետության հիմնա-
դրությամբ խաղաղ ու ապահով կյանք ենք
ապրում, և մեր նոր կյանքի պայմաններում
մեր եկեղեցին ազատորեն շարունակում է
իր առաքելությունը՝ սերտ հարաբերություն
պահպանելով քույր եկեղեցիների հետ»:

Կուրացի մկրտչական եկեղեցու ներկա-
յացուցիչները, խորապես տպավորված Վե-
հափառ Հայրապետի ողջույնի խոսքերից,
լավագույն տպավորություններով հրաժեշտ
են առնում Նորին Արքությունից և Մայր
Աթոռից: